

**ՀՀ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐԻ ՀՐԱՄԱՆԸ ՀՀ ՊԵՏԱԿԱՆ
ՀԱՎԱՏԱՐՄԱԳՐՎԱԾ ՆԱԽՆԱԿԱՆ, ՄԻՋԻՆ, ԲԱՐՁՐԱԳՈՒՅՆ ԵՎ ՀԵՏԲՈՒՀԱԿԱՆ
ՄԱՍՆԱԳԻՏԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐՈՒՄ ՈՒՍԱՆՈՂՆԵՐԻՆ
(ՄԱԳԻՍՏՐԱՆՏՆԵՐԻՆ) ԵՎ ԱՍՊԻՐԱՆՏՆԵՐԻՆ ԱԿԱԴԵՄԻԱԿԱՆ ԱՐՁԱԿՈՒՐԴ
ՏԱԼՈՒ ԿԱՐԳԸ ՀԱՍՏԱՏԵԼՈՒ ՄԱՍԻՆ**

Գլխավոր տեղեկություն

Համար	N 997-Ն
Տիպ	Հրաման
Ակտի տիպ	Պաշտոնական Ինկորպորացիա (12.07.2023-մինչ օրս)
Կարգավիճակ	Գործում է
Սկզբնաղբյուր	ՀՀԳՏ 2007.03.01/7(247) Հոդ.99
Ընդունող մարմին	Կրթության և գիտության նախարար
Ընդունման ամսաթիվ	22.12.2006
Ստորագրող մարմին	Կրթության և գիտության նախարար
Ստորագրման ամսաթիվ	22.12.2006
Ուժի մեջ մտնելու ամսաթիվ	11.03.2007

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐ

22 դեկտեմբերի 2006 թ.
ք. Երևան

N 997-Ն

Հ Ր Ա Մ Ա Ն

**ՀՀ ՊԵՏԱԿԱՆ ՀԱՎԱՏԱՐՄԱԳՐՎԱԾ ՆԱԽՆԱԿԱՆ, ՄԻՋԻՆ, ԲԱՐՁՐԱԳՈՒՅՆ ԵՎ ՀԵՏԲՈՒՀԱԿԱՆ
ՄԱՍՆԱԳԻՏԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐՈՒՄ ՈՒՍԱՆՈՂՆԵՐԻՆ
(ՄԱԳԻՍՏՐԱՆՏՆԵՐԻՆ) ԵՎ ԱՄՊԻՐԱՆՏՆԵՐԻՆ ԱԿԱԴԵՄԻԱԿԱՆ ԱՐՁԱԿՈՒՐԴ ՏԱԼՈՒ ԿԱՐԳԸ
ՀԱՍՏԱՏԵԼՈՒ ՄԱՍԻՆ**

Ղեկավարվելով «Բարձրագույն և հետբուհական մասնագիտական կրթության մասին»
Հայաստանի Հանրապետության օրենքի 17-րդ հոդվածի 3-րդ մասի 10-րդ կետով և
«Նախնական մասնագիտական (արհեստագործական) և միջին մասնագիտական կրթության
մասին» Հայաստանի Հանրապետության օրենքի 21-րդ հոդվածի 2-րդ մասով.

Հրամայում եմ՝

1. Հաստատել «Հայաստանի Հանրապետության պետական հավատարմագրված
Նախնական, միջին, բարձրագույն և հետբուհական մասնագիտական ուսումնական
հաստատություններում ուսանողներին (մագիստրանտներին) և ասպիրանտներին
ակադեմիական արձակուրդ տալու կարգը»:
2. ՀՀ կրթության և գիտության նախարարության բարձրագույն մասնագիտական
կրթության վարչությանը (պետ՝ Ռ. Գասպարյան)՝ սահմանված կարգով «ՀՀ պետական
հավատարմագրված Նախնական, միջին, բարձրագույն և հետբուհական մասնագիտական
ուսումնական հաստատություններում ուսանողներին (մագիստրանտներին) և
ասպիրանտներին ակադեմիական արձակուրդ տալու կարգը» ներկայացնել ՀՀ
արդարադատության նախարարություն՝ պետական գրանցման:
3. Սույն հրամանի կատարման վերահսկողությունը հանձնարարել նախարարի տեղակալ Ա.
Ավետիսյանին:

**ՀՀ կրթության և գիտության
Նախարար՝**

Լ. Սկրոչյան

Հաստատված է՝
ՀՀ կրթության և գիտության նախարարի
2006 թ. դեկտեմբերի 22-ի
N 997-Ն հրամանով
_____ Լ. Սկրոչյան
գրանցման N _____

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ՀԱՎԱՏԱՐՄԱԳՐՎԱԾ ՆԱԽՆԱԿԱՆ, ՄԻՋԻՆ,
ԲԱՐՁՐԱԳՈՒՅՆ ԵՎ ՀԵՏԲՈՒՀԱԿԱՆ ՄԱՍՆԱԳԻՏԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐՈՒՄ
ՈՒՍԱՆՈՂՆԵՐԻՆ (ՄԱԳԻՍՏՐԱՆՏՆԵՐԻՆ) ԵՎ ԱՄՊԻՐԱՆՏՆԵՐԻՆ ԱԿԱԴԵՄԻԱԿԱՆ ԱՐՁԱԿՈՒՐԴ
ՏԱԼՈՒ ԿԱՐԳ**

1. Սույնով սահմանվում են Հայաստանի Հանրապետության նախնական, միջին,
բարձրագույն և հետբուհական մասնագիտական ուսումնական հաստատությունների
ուսանողներին (մագիստրանտներին) և ասպիրանտներին ակադեմիական արձակուրդ տալու
կարգը և պայմանները:
2. Ակադեմիական արձակուրդ տրվում է նախնական, միջին, բարձրագույն և հետբուհական
մասնագիտական կրթական ծրագրերով ուսումնառող սովորողներին, ուսանողներին
(մագիստրանտներին) և ասպիրանտներին՝ ըստ Անձի ֆունկցիոնալության գնահատման
հանձնաժողովի որոշման:
(2-րդ կետը փոփ. 03.07.23 N 92-Ն)
3. Ակադեմիական արձակուրդի տևողությունը մեկ օրացուցային տարի է, բացառությամբ
օրենսդրությամբ սահմանված դեպքերի:
4. Ակադեմիական արձակուրդ տալու մասին որոշումը կայացնում է ուսումնական
հաստատության ղեկավարը (պետը, տնօրենը, ղեկավորը): Հրամանագրման համար հիմք է
ծառայում.
-անձի ֆունկցիոնալության գնահատման որոշումը և սովորողի, ուսանողի (մագիստրանտի)

և ասպիրանտի դիմումը:

(4-րդ կետը խմբ. 03.07.23 N 92-Ն)

5. Պետության կողմից ուսանողական նպաստների ձևով ուսման վարձի փոխհատուցմամբ ուսումնառող և կրթաթոշակ ստացող սովորողները, ուսանողները (մագիստրանտները) և ասպիրանտները ակադեմիական արձակուրդից վերադառնալուց հետո վերականգնվում են ուսուցման նույն համակարգում:

Վճարովի ուսուցմամբ ուսումնառող և ակադեմիական արձակուրդում գտնվող սովորողի, ուսանողի (մագիստրանտի) և ասպիրանտի կրթաթոշակ ստանալու կամ լրացուցիչ վճարումներ կատարելու պայմանները որոշվում է ուսումնական հաստատության և ուսանողի (մագիստրանտի) և ասպիրանտի միջև կնքված պայմանագրի համաձայն:

6. Ակադեմիական արձակուրդում գտնվող սովորողին, ուսանողին (մագիստրանտին) և ասպիրանտին հանրակացարան տրամադրելու հարցը լուծվում է՝ համաձայն ուսումնական հաստատության կանոնադրության:

7. Կրթաթոշակներով ուսումնառող օտարերկրյա սովորողին, ուսանողին (մագիստրանտին) և ասպիրանտին ակադեմիական արձակուրդ տալու կարգը և պայմանները որոշվում են՝ համաձայն այդ երկրի հետ կնքած միջպետական համաձայնագրերի և պայմանագրերի:

8. Ակադեմիական արձակուրդ կարելի է տալ նաև այն ուսանողներին (մագիստրանտներին) և ասպիրանտներին, ովքեր համաձայն Հայաստանի Հանրապետության և օտարերկրյա պետությունների հետ կնքած միջպետական պայմանագրերի և համաձայնագրերի կամ ՀՀ կրթության և գիտության նախարարության և այդ պետությունների կրթության կառավարման պետական մարմինների հետ կնքած համաձայնագրերի՝ մրցույթի կամ դրամաշնորհի շահման արդյունքով հրավիրված են այդ երկրների համապատասխան ուսումնական հաստատություններում ուսումը շարունակելու, որակավորումը բարձրացնելու կամ համատեղ հետազոտություններ կատարելու նպատակով:

9. Ակադեմիական արձակուրդում գտնվող սովորողին, ուսանողին (մագիստրանտին) և ասպիրանտին ուսումնական գործընթացին թույլատրելու համար հիմք են ծառայում ուսանողի (մագիստրանտի) և ասպիրանտի դիմումը, անձի ֆունկցիոնալության գնահատման որոշումը՝ համաձայն որոնց ուսումնական հաստատության ղեկավարը (պետը, տնօրենը, ռեկտորը) հրամանով թույլ է տալիս ուսանողին (մագիստրանտին) և ասպիրանտին շարունակելու ուսումը:

(9-րդ կետը խմբ. 03.07.23 N 92-Ն)

10. Ակադեմիական արձակուրդի ժամկետը լրանալու դեպքում, 10-օրյա ժամկետում, անհարգելի պատճառով չներկայանալու պարագայում ուսանողը ենթակա է բուհից հեռացման:

11. Ակադեմիական արձակուրդի դեպքում արական սեռի ուսանողները չեն կորցնում պարտադիր զինվորական ծառայությունից տարկետման իրավունքը:

12. Ուսումնառության ժամանակահատվածում ուսանողը կարող է ձևակերպել ակադեմիական արձակուրդ ոչ ավելի, քան մեկ անգամ:

13. Ակադեմիական արձակուրդից վերադարձող ուսանողի կարգավիճակը (պետության կողմից ուսանողական նպաստների ձևով ուսման վարձի փոխհատուցմամբ կամ բարձրագույն ուսումնական հաստատությունների կողմից ուսման վարձի մասնակի գեղջի կիրառման (վճարովի)) մնում է նույնը:

(կարգը փոփ., խմբ. 03.07.23 N 92-Ն)